

ԱՐՁԱՆԱԳՐՈՒԹՅՈՒՆ N 14

ԵՊՀ Իջևանի մասնաճյուղի բնական գիտությունների ֆակուլտետի խորհրդի նիստի
18 մարտի 2014թ.

Նախագահ՝ Ա. Յուցուլյան

Քարտուղար՝ Հ. Գասպարյան

Ներկա էին խորհրդի 8 անդամներ: Հրավիրվել էին նաև ամբիոնների դասախոսներ և
աշխատակիցներ:

ՕՐԱԿԱՐԳ

1. *Ամբիոնի վարիչների հաշվետվություն:*

/զեկ. Մ. Ա. Զաքարյան, Ա. Զ. Ալավերդյան/

2. *Ուսանողների բավարարվածության մակարդակը ուսումնառությունից և օժանդակ
ծառայությունից:*

/զեկ. Ա. Վ. Յուցուլյան/

3. Ընթացիկ հարցեր:

ԼՍԵՅԻՆ- Ֆակուլտետի խորհրդի նիստը բացեց և օրակարգը ներկայացրեց
դեկան, խորհրդի նախագահ Ա. Վ. Յուցուլյանը:

Օրակարգը հաստատելուց հետո նիստի մասնակիցները անցան
օրակարգի հարցերի քննարկմանը:

Նիստը վարում էր Ա. Վ. Յուցուլյանը:

Օրակարգի առաջին հարցի մասին հանդես եկավ Բ/Մ և ինֆորմատիկայի
ամբիոնի վարիչ Մ. Ա. Ա. Զաքարյանը: Նա ներկայացրեց ամբիոնում կատարված
աշխատանքները, որոնք ըստ հաստատված ժամանակացույցի իրականացվել է.
Ժամանակին կազմվել և տրվել են ուսանողներին ընթացիկ և ամփոփիչ
ավարտական քննությունների հարցաշարերը: Կազմակերպվել և անց են կացվել
I կիսամյակի ընթացիկ ստուգումներն ու քննությունները, նաև կուրսային
աշխատանքների պաշտպանությունը: Ժամանակին և պատշաճ անց է կացվել
քննաշրջանը: Ուսումնական պրոցեսը կազմակերպվել է դասացուցակի հիման
վրա, դասապրոցեսի խաթարում չի եղել, դասաժամերի բաց թողում չի եղել:
Ավարտական աշխատանքների կատարումն ավարտին է մոտենում, շուտով
կկազմակերպվի նախապաշտպանությունը: Այդ գործընթացում ներգրավվում է
նաև մասնագիտության կուրսդեկ Ք. Վ. Օթարյանը: Այժմ անց են կացվում I և II
կուրսերի I ընթացիկ քննությունները, իսկ IV կուրսի II ընթացիկ ստուգումները և
քննությունները կկայանան 28-29.03.2014թ.: Այնուհետև ամբիոնի վարիչը հույս

հայտնեց, որ դեկանատի հետ համատեղ իրականացվել և իրականացվում են ուսումնական գործընթացին համապատասխան արդյունավետ աշխատանք:

ԱՐՏԱՀԱՅՏՎԵՑԻՆ- Մ. Ա. Ճաղարյանը, Գ. Վ. Գուլակյանը և ուրիշներ: Նրանք համակարծիք էին ներկայացվածին և առաջարկեցին ամբիոնի կատարած աշխատանքը գնահատել լավ:

Այնուհետև խորհրդի նախագահ Ա. Վ. Յուցուլյանը ձայնը տալիս է Անտառագիտության ամբիոնի վարիչ Ա. Զ. Ալավերդյանին:

Ա. Զ. Ալավերդյանը ներկայացրեց ամբիոնում իրականացված աշխատանքները կապված ուսումնական պրոցեսի հետ: Նա ևս ներկայացրեց, որ ժամանակին տրվել են ուսանողներին ընթացիկ և ամփոփիչ ավարտական քննությունների հարցաշարերը: Կազմակերպվել և անց է կացվել ընթացիկ ստուգումներն ու քննությունները: Քննաշրջանի արդյունքներով ակադեմիական պարտք ունեցող ուսանող չի գրանցվել: Ուսումնական պարապմունքները անց են կացվում դասացուցակի հիման վրա, դասաժամերի բացթողում չի եղել: Ավարտին է մոտենում ավարտական աշխատանքների կատարումը, շուտով նշանակվելու է նախապաշտպանության օրը: Ղեկավարների հետ հաճախակի է լինում հանդիպումներ, որի գործընթացում ներգրավվում է նաև մասնագիտության կուրսդեկ Է. Կ. Օսիպովան:

IV կուրսի II ընթացիկ ստուգումները և քննությունները կկայանան 25-29.03.2014թ.: Այնուհետև ամբիոնի վարիչը հույս հայտնեց, որ դեկանատի հետ համատեղ աշխատանքը տալիս է իր դրական արդյունքը հաճախումների և ուսումնառության համակարգում:

ԱՐՏԱՀԱՅՏՎԵՑԻՆ- Է. Կ. Օսիպովան, Հ. Ս. Գասպարյանը և ուրիշներ: Նրանք ևս ներկայացրին ամբիոնի ներդրումը ուսումնական պրոցեսում և առաջարկեցին ամբիոնի կատարած աշխատանքը գնահատել լավ:

Այնուհետև ֆակուլտետի խորհրդի նախագահը ներկայացրեց, որ չպետք է սահմանափակվել ձեռք բերածով և առաջարկեց ամբիոնների կատարած աշխատանքները գնահատել լավ:

ՈՐՈՇԵՑԻՆ-1. Բարձրագույն մաթեմատիկայի և ինֆորմատիկայի ամբիոնի կատարած աշխատանքը գնահատել „լավ,“:

2. Անտառագիտության ամբիոնի կատարած աշխատանքները գնահատել „լավ,“:

Օրակարգի երկրորդ հարցի մասին խորհրդի նախագահ Ա. Վ. Յուցուլյանը ներկայացրեց ուսանողների բավարարվածության մակարդակը, ուսումնառությունից: Ուսանողների հետ իրականացվում է ուսումնական կարգին համապատասխան աշխատանք: Այն յուրաքանչյուր ուսանողի կողմից ընկալվում է տարբեր, այնպես որ դառնում են մասնագետներ՝ համապատասխան ժամանակակից պահանջների: Ուսանողները բավարարված են նաև հաստատության օժանդակ ծառայություններից /համակարգչային մասնագիտական, կենսաբանության և քիմիայի լաբորատորիաներ, գրադարան/,

որոնք պատրաստակամ են ուսանողների ցանկացած հարցերին պատշաճ պատասխան տալու:

ՈՐՈՇԵՑԻՆ-1.Ավելի ակտիվացնել ուսանողների և օժանդակ ծառայությունների կապը:

Օրակարգի երրորդ հարցի մասին ֆակուլտետի խորհրդի նախագահը ներկայացրեց ներֆակուլտետային գործընթացին վերաբերող ընթացիկ հարցերի մասին: Նա հիմնականում ներկայացրեց, որ կապված ֆակուլտետում մասնագիտությունների փոփոխման հետ անհրաժեշտ է լուծարել «Ընդհանուր ֆիզիկայի» ամբիոնին պատկանող «Ռենգենյան հետազոտությունների գիտաուսումնական» լաբորատորիան:

Ներկայացված նյութի վերաբերյալ անցկացվեց մտքերի փոխանակություն և առաջարկեցին հաստատել:

ՈՐՈՇԵՑԻՆ- Ներկայացնել տնօրենություն լուծարելու «Ռենգենյան հետազոտությունների գիտաուսումնական» լաբորատորիան:

ՆԱԽԱԳԱՀ
ՔԱՐՏՈՒՂԱՐ

Ա. Վ. ՅՈՒՅՈՒԼՅԱՆ
Հ. Ս. ԳԱՍՊԱՐՅԱՆ